

آبونه شرائطی : هریر ایچون
سنه لکی (۲۷۵) آلتی آیلنی
(۱۵۰) خارج ایچون سنه لکی
۳۲۵ غروشددر .

نسخه سی ۵ غروشددر .
ایکی نسخه برآراده
(۱۰) غروشددر
سنه لکی ۵۲ نسخه در .

اداره خانه : باب عالی جاده سنده
رشید افندی خائنده

اخطارات
آبونه بدلی پشیندر .

مسلكه موافق آثار مع الممنونیه
قبول اولنور . درج ایدله یین
یازیلر اعاده اولنماز .

کتابخانه

۱۳۳۰

آدرس تبدیلینده آیریجه
۵ غروش کوندرملیدر .

مکتوبلرک امضاری واضح
و اوقوناقلی اولسی و آبونه
صره نومروسنی محتوی
بولونمسی لازمددر

ممالک اجنبیه ایچون آبونه
اولانلرک آدرس لرینگ
فرانسزجه یازلسی رجا اولنور .

پاره کوندردلدیکی زمان نهیه
دائر اولدینی بیلدیرلسی
رجا اولنور

اتبعون اهدکم سبیل الرشاد

صاحب و مدیر
اشرف ادیب

باش محرر
محمد عاکف

والله یهدی من یشاء الی صراط مستقیم

رضی الله عنه کجی . فتوحات اسلامیہ دائرۃ توسعی آرٹیردی . نور قرآن اور الریہ اشراقہ باشلادی .

خلاصہ : خلفای ثلاثہ زمانلرنده بر جوق قراء کرام شام، عراق، ایران، مصر، آفریقا طرفلرینه داغیلمشلاردی . بوحله قرآن میاننده مثلاً کوفهده عبدالله بن مسعود، بصرهده ابو موسی الاشعری، شامده ابی بن کعب و ابوالدرداء کبی بیوک حافظلر، قارئلر بولنیوردی . اشبو انمه کرام بولندقلری شهرلرده قرآن کریمک نشر و تعمیمینه، مضمون منیفک تفهیم و تفسیرینه وقف نفس ایتشلاردی . شو قدرکه اشبو قراء کرامدن هر بری کندی مصحفده سور شریفه بی بر ترتیب مخصوص اوزره ترتیب ایتشدی . صکره بولردن هر بریسنک قرائتندهده اختلاف وار ایدی . بوندن بشقه لغات عربک اتساعه کوره اخیراً وجوه قرائت دها زیاده توسع ایتشدی . بوحال یکدیگری تخطیه بادی اولیوردی . بوقاریده طحاویدن نقل و ایضاح اولندیغی وجهله عرضة اخیره اوزرینه مقارب المعانی اولان الفاظدن لغت قریشه مغایر اولانلر ترک ایدلدیکی حالده بوکا واقف اولمایان بعض قراء مصحفلرنده اوکی الفاظی محافظه ایتمکده و بر قسمندده علی وجه التفسیر بعضی کلمات مدرجه بولمقده ایدی [۱] بناءً علیه مصحف ابی بکرک مرتب السور اوله رق استنساخ و تکثیرله امصار اسلامییه نشر و تعمیمی و آنلره مخالف اولان مصحف و مصاحفک آنلردن تصحیح و یا ازاله لری درجه وجوبده ایدی . نصلکه اخیراً کبار اصحابدن حذیفه بن الیمان حضر - تلرینک نظر دقتی جلب ایدن بر اختلاف بو لزوم و وجوبک ادا و ایفائی تسریع و تأمین ایدی . شویله که :

یکرمی بشهچی سنه هجریده ارمیه و آذربایجان طرفلرینک فتی مقصیده سوریه و عراقدن ترتیب و تجهیز ایدیلان اردوده عراقلر شاملره قارشى « بزم قرائتمز سزک قرائتکزدن اییدر . زیرا بز ابن مسعوددن اوکرندک » دییورلردی . کذلک اهل شامده « بزم قرائتمز خیرلدر . زیرا بز ابی بن کعبدن اوکرندک » دییورلری . و هر ایکی طرف یکدیگری خطایه نسبت ایدیورلر ایدی . واقعا اشبو ایکی امامک قرائتلی صواب اولوب من عبدالله تزیل بیوریلان احرف سبعة جمله سندن معدود ایدی . طرفینک یکدیگری تخطیه حققری یوق ایدی [۲]

بخارینک تخریجه کوره عسکر میاننده بولنان و بوحاله یقیندن واقف اولوبده بحق اندیشه ایدن حذیفه بن الیمان حضرتلری مدینه منورهده عودتنده خانه سینه کیتمزدن مقدم دوغری حضرت عثمانک زردینه واروب مشهوداتی برتفضیل آکلاتدی . و (یا امیر المؤمنین !

[۱] شرح الشاطیة

[۲] مکذا نقله القاری عن السخاوی فی شرح الرائیة .

اون برنجی عصرده تانار آقینی اسلام عالمی استیلا ایتدیکی زمان بولنده تصادف ایتدیکی بوتون علم و صنعت مؤسسه لرینده احوالامشر، مسلمانلرک عصرلرجه دوام ایدن مساعیسنک اثری اولان مدینت اسلامییه بی خراب و تراب ایتشدی . فقط وقتا که تانارلر دین اسلامی قبول ایتدیلر ؛ علم و مدینتک اک قوتلی ظهیری اولدیلر . جنکیز احفادنن (برکت بن باطوخان) ک دین اسلامی قبول ایدنجه مؤسسات عرفان تأسیسنه باشلادیغی واک بویوک علمای اسلامی کندیسنه یا قلاشدردیغی کوردیکمز کبی (هولا کو) نک برادری (قوبلای) خانک (جمال الدین الفلکی) بی (چین) ه کونوردیکنی واونک واسطه سیله چین مملکته علوم اسلامییه، مدینت و فلسفه اسلامییه صوقدیغی مشاهده ایدیورز . الحاصل مسلمانلغی هر هانکی ملت قبول ایتمشه درحال اونک فیضدن استفاضه ایتمش واونک ته لیتدن استفاده ایتمکده هر هانکی ملتدن کری قلامشدر .

جمع قرآن

۳

عمر زى النور بنده جمع نالی :

حضرت صدیقک ارتحالنن صکره مقام خلافته عمر الفاروق رضی الله عنه کجی . فتوحات اسلامییه جزیره العرب خارجنده توسعه باشلادی . خطه ایرانیه طولا و عرضا حاکمت اسلامییه کیردی . شام، الجزیره، مصر دیاری کاملاً فتح ایدلدی . شو قری و بلاد مفتوحه دن هیچ بریسی یوقدرکه فتی متعاقب اوراده بر مسجد بنا ایدلامش و درونه مصحف شریف قونیلماش اولسون . هر حالده اشبو مساجد مبارکه نک هر برنده مصاحف شریفه استنساخ ایدیورلر و قرآن کریم تعلیم و تعلمیه مشغول اولیوردی . هله شرقاً و غرباً تأسیس و کشاد ایدیلان بتون مکاتبده چوققلره قرآن اوکره تیور و حفظنه اهتمام ایدیورلر . حضرت فاروقک زمان خلافتی بوضوئله کجی . آنک عهد خلافتنده مصردن عراقه، شامه، یمنه قدر امتداد ایدن شو حدود وسیعه داخلنده بیکلرجه مصاحف شریفه استنساخ ایدلش ایدی . عمرکه : نام مبعلی زهد و دیانتک بر تمثال بی مثالی اوله رق الیوم السنه اتمده جاریدر . عمرکه : فرقان مینک مابین الدفتین جمعنی ابتدا کنیدیسی الزام ایتشدر . ابویوک خلیفه محیر العقول بوقدر فتوحات جسیمه میدانه کتیرسون و بر اداره عادلانه تأسیس ایتسونده کتاب اللهک نشر و تعمیمی اهمک ایلسون ؟ بوکا احتمال ویریه مازدی . فاروق اعظمک ارتحالی اوزرینه مقام خلافته حضرت عثمان

ضعف . فقط مدافعه دین و ناموس صدمه شجاع و جسور در .
بتون محیطی قرده ش طایر ، فقیرک ، زنکیلاک ، صنف و مسلک
فرقی کوزه نمز ، محبتی عوضسز ، ایلکی قید منفعتن آزاده در .

بویله بر ذات ایچون هر کسی پروا « اشته حقیقی بر انسان » دیر .
حالبوکه بوتون بو اوصاف و کالات مسلمانلک صفت کاشف سندن
باشقه برشی دکدر . جهان مدنیت و معرفت ایچون امثالسز بر اورنک
اولان بو عالی محصله نك اسلامیت محیطی باشند باشه تنویر اتمه سی
لازم کایر کن عصر لر دنبری اطرافزی قابلایان کابوس ظلمت دهانه زمانه
قدر امتداد ایدم چک ، نه وقت روحزی صاران جهالت سسلری
طاغیله جقده نور اسلام ایله منور اولاجنر ؟

تجدد عنوانی ویریلن تردیات روحیه من ایچنده نور احتیاجیله
قورقونج قارا ککله رده چیریندیغمز بر انشاده معشوقه آمالزی ایچون
- بوقدر یاقینمزده اولدینی حالد - کوره میورز ؟

زی بوتاسفلره بالخاصه اجتماعیونمزک ، اجتماعی مجموع لر مرکز
زمانلرده طوتدقلری مسلک سوق ایدیور .

علمی ، اجتماعی تدقیقلر ، تحلیلی ، ترکیبی بر مقایسه یه مسند
اولادقجه هیچ بر وقت مثبت بر نتیجه عرض ایدم . حال بوکه زم
بوتون مناقشات و مناظر آتمز دایما یکجهت بر منظره ارائه ایدیور .
تدنیسات حاضره منی شکل اجتماعیمزه ، احتیاجات زمانیه کافی
اساساته مالک اولامدیغمز عطف ایدنلر ایچون حقیقی بر قساعت
لازمی . بوقاعتده ، بوکون غرب فلسفه سی ، غرب اجتماعی داخلنده
کوردکاری عمده لری اسلامیت اساساتده آرامق ، هر ایکی مدنیته
روحنده موجود حقیقتلری قارشولاشدیرمق صورتیه حصوله کله جکدی .

حال بوکه بویله اولمادی . فلسفه سیله ، اجتماعیه یله ، اساساتیه شرق
و غرب قارشولاشدیرلمادی . بونک ایچوندز که ده قارتک ، لامارتینک ،
مونتسکیونک کتابلرندن مستخرج سوزلره بر قاچ ستون علاوه یله
بنیه سز ، مقایسه سز بر حالد دوام ایدن نشریاتک هیچ بر قیمتی بوقدر .

مونتسکیونک جمعیت حقنده کی هر هانکی بر مطالعه سی ، علمی
هر شیشک فوقده طوتان وقاعتی آنجق بوندقیقات و تحلیلاتک
نتیجه سینه ربط ایدن بر انسان ایچون کافی کله من . سیال و متحول
اولان فلسفه ، ایوم غربده مختلف و حتی متضاد جریانلر آلمشدر .
عجبا بونلرک هانکیسنی قبول ایدم حکمز ؟ یوقسه بر حقیقتک افادسی
ایچون یازیلاچق سطرلرده مطلقا بر قاچ فرنک اسمی بولنقمی لازمدر ؟
مثلا : اوکوست قونندن بحث ایدیلر کن بو خصوصده فارابنک ، ابن
سینانک ، امام غزالی نك مطالعاتی علاوه ایدلش اولسه هر کسک
مقصودی اولان حقیقت دهها واضح اولارق تیلر ایتزمی ؟ حالبوکه
مع التأسف حکمای اسلامیه نك کلیاتی دکل ، اسملری بیله اونونمشر .

حالبوکه نزول قرآن و جمع قرآن حقنده شرف وارد اولان حدیث
شریف لر نظم قرآنده جاری اولان اختلافاتی اخبار و اثبات ایدیور ؟
جواب - آیت کریمه ده نفی بیوریلان اختلاف ، اختلاف تناقضدر که
قرآن معجز بیانک دائره اعجاز و بلاغتیه اونوع اختلافاتک فرجه یاب
دخول اولسی مستبعددر . احادیث سنیه ایله اخبار بیوریلان اختلاف
ایسه اختلاف تغایر در که من عندالله منزل اولوب قم رسالتناهییدن اخذ
وتلقی اولنان مصاحف عثمانیه یه درج ایدیلن وجوه قرا آدن و کیفیت
اداء کلماتدن عبارتدر که بونوع اختلافک مسئلزم رحمت اختلافات
جمله سندن اولدینی یوقاریده ذکر ایدلمشدی .

مهر صه :

قرآن عظیم الشان اوچ دفعه ده جمع و ترتیب ایدلمشدر . برنجیسی
آیات قرآنیته نك ترتیبی وعاد اولدینی سورده لرده جمعیدر و بوجمع ،
رسول اکرم صلی الله علیه وسلم اقدامزک حضور سنیه لرنده واقعدر .
بوکون ایادی توقیر و احترامزده بولنان مصاحف شریفه کی آیات
بینات قرآنیته نك ترتیبی آنک عیندر . ایکنجیسی مجرد ضیاع و خللندن
محافظه ایچون رسالتماب اقدامزدن حفظ و ضبط اولدینی کی عیناً
صحف مطهرده تحریر و جمعیدر . بغوی نك بیانی وجهله ، دکل آیت ، حتی
نك بر کله بیله حضرت فخر رسالتدن مسموع و محفوظ بولنان موضعندن
نه تقدیم ونه ده تأخیر ایدلمشدر . اوچنجیسی سورده لر بیننده کی مناسباته
رعایت اولنه رقی و بوده عیناً وجوه قراآت ثابته یی محتوی اوله رقی ترتیب
و جمعیدر . بوده زیاده ، نقصان ، تقدیم ، تأخیر ایدلمیه رک مصحف ابی
بکرک نسخه لرینک نزدیک و تکثیرندن عبارتدر . ترتیب آیات بالاتفاق
توقیفیدر . ترتیب سور شریفه اکثر علمایه کوره اجتهادیدر .

م . کامل

اجتماعیه اناره غرب مجلیه و بزرغون مجلیه :

اولا کند منی او کره نه لم !

بر فرد تصور ایدیکمز که معتقد ، ثباتکار ، قناعتکاردر . انسانلک
دائمی بر سعی مراد فی اولدینی بیلیر ، علمی یوکسک طوتار ، نظاری
کالاتده در ، ترقیات صناعیه یی مدافعه اجتماعیه ایچون الک مهم رسالاح ،
تجارتی بادی صلاح ، باعث فلاح عد ایدر ، اوقات معینه خالقک
حضورنده وقفه نیازده بولنمقدن متولد بر حضور وجدانه ، صافیت
روحیه مالکدر ، افکاری بر نوردر . هر کسه نافع ، جمعیه خادم
بر عضو اولق ایستر . روحاً اولدینی قدر شکلا ده ، جسمآده پا کدر .
احوالی درستدر ، حرکتی هر وجهله شایان اعتماددر . حلیم و متوا